

UGOVOR O OSIGURANJU IMOVINE

Zaključen između:

Javna ustanova "Služba za zapošljavanje Kantona Sarajevo" Sarajevo, sa sjedištem u ulici Đoke Mazalića 3, (u daljnjem tekstu: **OSIGURANIK**) koju zastupa direktor **Midhat Osmanbegović**,

i

TRIGLAV OSIGURANJA D.D. SARAJEVO ul. Dolina br. 8, Sarajevo (u daljnjem tekstu: **OSIGURAVAČ**) kojeg zastupa Direktor prodajnog centra Sarajevo Žan Matić, s druge strane

PREDMET OSIGURANJA

Član 1.

Predmet osiguranja je imovina Osiguranika a shodno ponudi broj: 08-5101/17 od 04.04.2017. godine i to od slijedećih rizika:

- Požar i neke druge opasnosti sa dopunskim rizicima: izliv vode iz vodovodnih i kanalizacionih cijevi te grejnih tijela, poplava, bujica i visoka voda, prodor oborinskih voda, težina snijega i objesna djelovanja na građevinskim objektima;

Za zaključena osiguranja po ovom Ugovoru vrijede slijedeći uvjeti osiguranja:

1. Opći uvjeti za požarno osiguranje sa oznakom PG - poz 03-3-bh,
2. Zbirka klauzula za požarno osiguranje sa oznakom ZK - poz 03-3-bh,

CIJENA - PREMIJA OSIGURANJA

Član 2.

Ugovorena premija osiguranja imovine u skladu sa članom 1. ovog Ugovora te izdatim policama osiguranja, koje su sastavni dio ovog Ugovora, iznosi **KM= 1.679,10** (slovima: hiljadušeststotinasedamdesetdevet i 10/100 KM). Navedena premija osiguranja oslobođena je od plaćanja PDV-a. (čl. 25 Zakona o PDV-u).

Za osiguranje imovine izdati će se posebne police o osiguranju imovine, kojima će biti definisano mjesto osiguranja, predmet osiguranja i sume osiguranja.

OSTALI OBLICI OSIGURANJA

Član 3.

Ugovorne strane su saglasne da će sve ostale oblike osiguranja, Osiguravač i Ugovarač osiguranja - Osiguranik, zaključivati u slučajevima kada je za to zainteresovan Ugovarač osiguranja - Osiguranik.



TRAJANJE UGOVORA

Član 4.

Ugovor se zaključuje na period od od 12 mjeseci, i to za period od 26.04.2017. – 26.04.2018.godine.

NAČIN PLAĆANJA PREMIJE OSIGURANJA

Član 5.

Plaćanje će se vršiti prema fakturama ispostavljenim od strane Osiguravača. Premiju osiguranja po svakoj izdatoj fakturi Ugovarač će platiti u roku od 30 (trideset) dana od dana ispostavljanja iste.

OSTALE ODREDBE

Član 6.

Sve eventualne izmjene i nejasnoće nastale po ispostavljenim Policama osiguranja i ovom Ugovoru, ugovorne strane će rješavati sporazumno.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

Za sve eventualne sporove nadležan je Sud u Sarajevu.

Ovaj Ugovor je sačinjen u 4 (četiri) istovjetna primjerka za svaku ugovornu stranu po 2 (dva).

JU" SLUŽBA ZA ZAPOŠLJAVANJE KANTONA
SARAJEVO" SARAJEVO

TRIGLAV OSIGURANJE D.D. SARAJEVO

Direktor

Direktor prodajnog centra Sarajevo


Midhat Osmunbegović
Broj: 0101-02
Sarajevo, 26.04.2017.




Žan Matic
Broj: 08-6819/17
Sarajevo, 26.04.2017.

